

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

6

MAR 1 1954

T 5307/3231





陸宣公奏草卷之二十二

哈佛大學  
哈佛燕京  
圖書館  
藏



唐吳郡陸贄著

明

宣城湯賓尹評

武林馬元訂

論左降官准赦合量移事狀二首

右竄謫之徒皆在遐僻或迫於衰暮顧景思還或困於瘴癘翹心望徙既關霈澤許以量移企躍之情遠想可見若准所司舊例須俟州府錄申盤勘檢尋動踰年歲上稽恤宥之旨下虧慶賴之心臣等商量恐須釐革望令所司據承貞元六年恩赦檢勘已量移

臨雨蠻州

鷓鴣樓字格

未量移官及貞元六年恩後左降官等除遷改亡歿之外具名銜及貶謫事由年月速報中書門下不須更待州府申請臣等據所司報到則便進擬不出歲內冀悉霑恩未審可否謹錄奏聞伏聽進止

湯賓尹曰策名通籍未有如逐臣之苦者也烏鴛  
站○站○見○落○於○水○中○鄉○路○漫○漫○夢○回○於○枕○上○金○鷄  
放○赦○恨○義○馭○之○不○遘○竹○虎○勘○盤○悵○河○清○之○難○俟  
速為申報恩德難量

### 又奏量移官狀

右伏以國之令典先德後刑所後者法當舒遲故決  
罪不得馳驛行下所先者體宜疾速故赦書日以五  
百里為程誠以聖王之心務弘慶惠必迴翔於行罰  
而企躍於舒恩不加罰於典法之外不虧恩於德令  
之內則受責者莫得興怨荷貸者咸思自新所謂威  
之則懲宥之斯感懲以致理感以致和致理則尊致  
和則愛為人父母必在兼行陛下德配上玄澤流下  
土頃因郊祀普降鴻恩凡是貶謫之人並許量移近

迴翔企躍  
筆有畫意

處臣等任叨輔翼職在宣行尋具奏聞請便進擬聖  
心精一務欲均齊令待所司檢尋一時類例處分其  
左降官內或罪非可棄才有足甄亦許別狀商量不  
拘常例獎用臣等據所司檢勘左降官及流人送名  
到者都比擬量移及別追用分爲三狀前月十二日  
封進其流人量移狀已蒙印出行下訖餘兩狀至今  
未奉進止竊以赦書宣布僅欲半年若更淹遲恐乖  
事體又諸州刺史及臺省官等繼有事故頗多闕員  
睿旨精於選求至今常不充備以昔掩德絕非古人

錄用棄瑕允歸聖造願廣含弘之美庶增誘拔之途  
謹奉狀陳聞伏聽進止

湯賓尹曰庸碌之輩僅守尋常瑕釁之人多蘊弘  
美故起之謫籍而躋之通顯彼思晚蓋以收桑  
榆之功必企躍倍於常筭若郭振李吉甫之流  
其惠不可勝紀速爲量移方爲宏貸

不。可。謂。殊。恩。為。其。辭。也。其。官。及。流。入。送。名。  
。餘。之。也。必。全。難。計。然。常。符。其。深。亦。吉。甫。之。歲。  
。美。姑。也。之。歸。歸。而。觀。之。而。限。其。思。即。益。以。郊。祭。  
。焉。實。其。日。東。之。輩。則。守。其。常。則。樂。之。人。之。盛。其。  
。蓋。本。其。刺。謂。其。難。其。也。

後。以。余。知。其。職。是。故。與。與。會。也。之。美。與。曾。補。其。之。矣。

又進量移官狀

右希顏奉宣進止。舊例左降官。每准恩赦。量移。不過  
三百五里。今度進擬。稍似超越。又多。是近兵馬處。  
及當路州縣。事非穩便。宜更商量。伏以罰宜從輕。故  
宜從重。所以昭仁恕之道。廣德澤之恩也。夫位尊者。  
其惠不可以不重。言大者。其實不可以不豐。位尊而  
惠輕。則體非宜。言大而實寡。則人失望。陛下躬行盛  
禮。渙發德音。念謫居之荒遐。哀負累之沉棄。俾移近  
處。將洽新恩。赦令初行。室家相慶。惠亦至矣。言亦大

培塿無松  
稻江河非  
細流

卷之二十一

其人設心  
其險也如

矣竊料竄逐窮僻喜聞霈澤降臨固必破產以飾行  
裝計日而俟休命在苒淹卹復經半年儻又所移之  
官還與舊任鄰近竊恐乖陛下垂愍之意虧制書行  
慶之恩口惠重而事實輕非所以揚洪休而布大信  
也謹按承前格令左降官非元勅令長任者每至考  
滿卽申所司量其舊資便與改叙縱或未有遷轉亦  
卽任其歸還逮於開元末李林甫固權專恣凡所斥  
黜類多非辜慮其却廻或復冤訴遂奏左降官考滿  
未別改轉者且給俸料不須卽停外示優裕實欲羈

天者國  
之棟梁棟  
折棟傾漁  
湯之輦鼓  
動矣

係從此已後遂為恒規一經貶官便同長往廻望舊  
望永無還期縱遇非常之恩許令移遠就近雖名改  
轉不越幽遐或自西徂東或從大適小時俗之語謂  
之橫移馴致忌尅之風積成天寶之亂展轉流弊以  
至於今天下咸病此法深苛而不能改從舊典者良  
以猜嫌之慮易惑上心將謂負譴之人悉包樂禍之  
意已經黜責遂欲隄防故高論則痛嫉林甫之陰邪  
而密網則習行林甫之弊法儉邪為蠹乃至於斯然  
則左降永絕於歸還量移不離於僻遠蓋是姦臣詭

計殊非國典舊章且貶黜之中情狀各異犯有輕重責有淺深固非盡是回邪皆須備慮王者之道待人以誠有責怒而無猜嫌有懲沮而無怨忌斥遠以儆其不恪甄恕以勉其自新不做則浸及威刑不勉則復加黜削雖屢進退俱非愛憎行法乃暫使左遷念材而漸加進叙人知復用誰不增修何憂乎亂常何患乎蓄憾如或以其貶黜便謂姦兇恒處防閑之中長從擯棄之例則是悔過者無由自補蘊才者終不見伸凡人之情窮則思變含悽貪亂或起於茲雖則

詞氣亦如  
兼風濕和  
可掬

審事裁決  
不失其平

好辨

何患能為亦足感傷和氣謂非帝王開懷含垢之大體聖哲誘人遷善之良圖也臣等昨進擬商度非不精詳既審事宜亦尋舊例參求折衷兼務齊平大約所擬之官各移近地一道郡邑稍優於舊任官資序進於本銜並無降差亦不超越其有累經移改已至關畿則但易以大州增其常秩所冀人皆受賜施不失平上副洪恩下塞延望纔將得所殊匪為優今若裁限所移不過三五百里則有改職而疆域不離於本道遷居而風土反惡於舊州徒有徙家之勞是增

移配之擾。又當今郡府多有軍兵，所在封疆，少無館驛，應合量移之例，約有二百許人。道路須計其遠邇之差，州縣則校其高下之等。若必選非常路，復不近兵，則恐類例失倫，措置偏併，示人疑慮。體又非弘，幸希聖聰，更賜裁審，其擬官狀，並未敢改革，謹重封進，伏聽進止。

湯賓尹曰：天恩浩蕩，通籍朝端，俾安豐道，徬之苦。李仍聽，未央長樂之鐘聲，不為過也。而反覆量移，皆在本道，是禪中之蝨，不過轉展於禪檻內。

之猿，不過伸縮乎檻，而春明門望，隔天涯矣。殊

臣聞為可痛，殊為可憐。宣公此疏，得休休有容之量。

工人其代之，蓋謂士不可不多，官不可不備，敷衍物

以能之義，闡恭已無為之風。此理道得失之所由也。

夫聖人之於愛才，不唯側席求思而已，乃復引進以

試，以委其器，能存身以自其言，優祿以

分



希聖聰更賜裁審其擬官狀並未敢改革謹重封進  
伏聽進止

陽。賓。尹。曰。天。恩。浩。蕩。通。籍。朝。端。俾。致。豐。道。徬。之。生。

爲。可。詠。極。爲。可。謝。宣。公。此。甄。於。於。亦。容。之。量。

之。氣。不。鼓。中。齋。平。澁。而。春。興。門。望。副。天。甄。矣。矣。

論朝官闕員及刺史等改轉倫序狀

臣聞於經曰濟濟多士文王以寧又曰無曠庶官天  
工人其代之蓋謂士不可不多官不可不備敦付物  
以能之義闡恭已無爲之風此理道得失之所由也  
夫聖人之於愛才不唯側席求思而已乃復引進以  
崇其術業歷試以發其器能旌善以重其言優祿以  
全其操歲月積久聲實並豐列之於朝則王室尊分  
之於土則藩鎮重故詩序太平之君子能長育人才  
書比梓人之理材旣勤樸斲惟施丹雘禮著造士易

河陽金谷  
勞泝盈眸

尚養賢。蓋以人皆含靈。惟所誘致。如玉之在璞。抵擲則瓦石。追琢則圭璋。如水之發源。壅閼則污泥。疏濬則川沼。是以書籍所載。歷代同途。祚屬殷昌。必時多雋。又運鍾衰季。則朝乏英髦。當在衰季之時。咸謂無人足任。及其雄才御寓。淑德應期。賢能相從。森若林會。然則興王之良佐。皆是季代之棄才。在季而愚。當興而智。乃知季代非獨遺賢而不用。其於養育獎勸之道。亦有所不至焉。故曰。人皆含靈。唯其誘致。漢高稟大度。故其時多魁傑。不羈之材。漢武好英風。故其

人爭仇  
九繼四京

時富懷詭。立名之士。漢宣精吏能。故其時萃循良。核實之能。迨乎哀平。桓靈昵比小人。疎遠君子。故其時近習操國柄。嬖戚擅朝權。是知人之才性。與時升降。好之則至。獎之則崇。抑之則衰。斥之則絕。此人才消長之所由也。臣每於中夜。竊自深惟。朝之乏人。其患有七。不澄源而防末流。一也。不考實而務博訪。二也。求精太過。三也。嫉惡太甚。四也。程試乖方。五也。取舍違理。六也。循故事而不擇可否。七也。夫多少相繆。非嘉量不平。輕重相欺。非懸衡不定。用之苟不得其道。

文法整齊  
而聲亦先  
亮

則主者實病而權量無尤。故按名責實者，選吏之權量也。宰相者，主權量之用也。宰相之主吏，猶司府之主財。主吏在序，進賢能。主財在乎頒秩俸。假使用財失節，則司之者可以改易，而秩俸不可以不頒。主吏乖方，則宰之者可以變更，而賢能不可以不進。其行甚易，其理甚明。頃者命官頗異，於是常以除吏多少，準量宰相重輕。宰相承寵私，則援引雖濫而必進。宰相見疎忌，則擬議雖當而必退。是使羣材仕進之窮，通唯繫輔臣恩澤之薄。

諸理道未謂合宜夫與

形容進退  
人才似黎  
丘丈人而  
行文排場

奪者人主之利，權名位者天下之公器。不以公器徇喜心，不以利權肆忿志，不以寡妨衆，不以人廢官。或其阻執事而擁羣材，所謂不澄源而防末流之患也。經曰：無以小謀亂大作，無以嬖人疾莊士。蓋務大者不拘於小累，謀小者不達於大猷。嬖者或行異於莊，莊者必性殊於嬖。理勢相激，宜其不同。進賢援能，諒君子之事。遏惡揚善，非小人所能。君子以愛才為心，小人以傷善為利。愛而引之，則近黨傷而沮之，則似公。近黨則不辨而遽疑，似公則不覆而先信。是以大

為德宗猜  
忌而設切  
守書旨

道每隳於橫議，良才常困於中傷。失士啓讒，多由於此。所謂不考實而務博訪之患也。夫人之器局，有圓方大小之殊。官之典司，有難易閑劇之別。名稱有虛實之異，課績有升降之差。將使官不失才，才不失序，在乎制法以司契，擇人而秉鈞。制之不得厥中，則其法可更，而其契不可亂也。擇之不當所任，則其人可去，而其秉不可奪也。如或事多錯雜，任靡適從，而但役智以求精，勞神而救弊，則所救愈失，所求愈麤。故書曰：元首明哉，股肱良哉，庶事康哉。元首叢脞哉，股

肱墮哉，庶事隳哉。頃之輔臣，鮮克勝任。過蒙容養，苟備職負，致勞睿思。巨細經慮，每有闕官，須補或緣將命藉才，宰司慎擇。上聞必極當時妙選，聖情未愜，復命別求。執奏既不見從，則又降擇其次。如是至於再，至於三，所選漸高，所得轉下。或斷於獨見，罔徇僉諧。或擢自旁求，不稽公議。權衡失柄，進取多門。等差不倫，聲實相反。此所謂求精太過之患也。臣聞耀乘之珠，不能無類。連城之璧，不能無瑕。矧伊有情，寧免愆吝。仲尼至聖也，猶以五十學易無大過為言。顏子殆

庶也尚稱不遠而復無祇悔爲美況自賢人以降孰能  
不有過失哉珠玉不以瑕類而不珍髦彥不以過失而  
不用故玄元之教曰常善救人則無棄人文宣亦云赦  
小過舉賢才齊桓不以射鈞而致嫌故能成九合之功  
秦穆不以一眚而掩德故能復九敗之辱前史序項籍之  
所以失天下曰於人之功無所記於人之過無所遺管仲  
論鮑叔牙不可屬國曰聞人之過終身不忘然則棄瑕錄  
用者霸王之道記過遺才者衰亂之源夫登進以懋庸黜  
退以懲過二者迭用

理如循環進而有過則示懲懲而改修則復進既不  
廢法亦無棄人雖纖芥必懲而才用不匱故能使黜  
退者克勵以求復登進者警飭以恪居上無滯疑下  
無蓄怨俾人於變以致時雍陛下英聖統天威莊肅  
物好善旣切計過亦深一抵譴責之中永居嫌忌之  
地夫以天下士人皆求宦名獲登朝班千百無一其  
於修身勵行聚學蒞官非數十年間勢不能致而以  
一言忤犯一事過差遂從棄捐沒代不復則人才不  
能不乏風俗不能不偷此所謂嫉惡太甚之患也臣

以作  
之相  
可作  
之君

論於造次而敏於當  
者世恒  
多有

聞君子約言，小人先言。君子之道，闇然而日章；小人之道，的然而日亡。孔子曰：始吾於人也，聽其言而信其行；今吾於人也，察其言而觀其行。又曰：舉直錯諸不審，言行不可以不稽。訥訥寡言者未必愚，喋喋利口者未必智。鄙樸忤逆者未必悖，承順愜可者未必忠。故明主不以辭盡人，不以意選士。凡制爵祿，與衆共之。先論其材，乃授以職。所舉必試之，以事所言必考之於成。然後苟妄不行，而貞實在位矣。如或好善而不擇所用，悅言而不驗所行，進退隨愛憎之情，離合繫異同之趣。是由捨繩墨而意裁，曲直棄權衡而手揣重輕。雖甚精微，不能無謬。此所謂程試乖方之患也。天之生物，爲用罕兼。性有所長，必有所短。材有所合，亦有所睽。曲成則品物不遺，求備則觸類皆棄。是以巧梓順輪橈之用，故枉直無廢財；良御適險易之宜，故駑驥無失性。物旣若此，人亦宜然。其於行能，固不兼具。前志所謂千年一聖，五百年一賢者，才難不其然乎？夫唯聖人，方體全德，賢之爲目，猶有未周。

工練而精  
深

而。不。擇。所。用。悅。言。而。不。驗。所。行。進。退。隨。愛。憎。之。情。離。合。繫。異。同。之。趣。是。由。捨。繩。墨。而。意。裁。曲。直。棄。權。衡。而。手。揣。重。輕。雖。甚。精。微。不。能。無。謬。此。所。謂。程。試。乖。方。之。患。也。天。之。生。物。爲。用。罕。兼。性。有。所。長。必。有。所。短。材。有。所。合。亦。有。所。睽。曲。成。則。品。物。不。遺。求。備。則。觸。類。皆。棄。是。以。巧。梓。順。輪。橈。之。用。故。枉。直。無。廢。財。良。御。適。險。易。之。宜。故。駑。驥。無。失。性。物。旣。若。此。人。亦。宜。然。其。於。行。能。固。不。兼。具。前。志。所。謂。千。年。一。聖。五。百。年。一。賢。者。才。難。不。其。然。乎。夫。唯。聖。人。方。體。全。德。賢。之。爲。目。猶。有。未。周。

金色有深  
淺謂之非  
金則不可  
人才有大  
小謂之非  
才則不可  
顧用之何  
如耳

且以未周之才，彌五百年而有一，造次求備，曷由得  
人若夫一至之能，偏稟之性，則中人以上，迭有所長，  
苟區別得宜，付授當器，各適其性，各宣其能，及乎合  
以成功，亦與全才無異。但在明鑒大度，御之有道，而  
已。帝王之盛，莫盛唐虞，臣佐之盛，莫盛稷禹。稷禹之  
比，無非大賢，然猶各任所能，不務兼備，故尚書序堯  
舜命官之美，自稷禹咎益以降，凡二十二人，所命典  
司，不踰一職，用能平九土，播百穀，敷五教，序五刑，禮  
樂興和，蠻夷率服，洎鳥獸魚鱉，亦罔不寧，蓋由舉得

不審官不  
核實晚季  
皆坐此

其人任得其所，鑒擇付授，審之於初，不求責於力分  
之外，不沮撓於局守之內，是以事極其理，人盡其材，  
君垂拱於上，臣濟美於下，功焯當代，名施無窮，及其  
失也，則升降任情，首末異趣，使人不量其器，與人不  
由其誠，以一言稱愜為能，而不核虛實，以一事違忤  
為咎，而不考忠邪，其稱愜則付任逾涯，不思其所不  
及其違忤，則責望過當，不恕其所不能，是以職司之  
內無成功，君臣之際無定分，此所謂取捨違理之患  
也。今之議者，多曰：內外庶官，久於其任，又曰：官無其

人則闕之。是皆誦老生之常談，而不推時變，守舊典之糟粕，而不本事情，徒眩聰明，以撓理化。古者人風既朴，官號未多，但別賢愚，匪論資序，不責人以朝夕之效，不計事於尺寸之差，不以小善而褒升，不以一眚而罪斥，故虞書三載考績，三考黜陟幽明，是則必俟九年，方有進退，然其所進者，或自側微，而納於百揆，雖久於任，復何病哉。漢制部刺史秩六百石，郡守秩二千石，刺史高第者，卽遷爲郡守，郡守高第者，卽入爲九卿，從九卿卽遷爲亞相相國，是乃從六百石

吏而至台輔，其間所歷者，三四轉耳，久在其任，亦奉失宜。近代建官漸多，列級逾密，今縣邑有七等之異，州府有九等之差，同謂省郎，卽有前中後行郎中員外五等之殊，並稱諫官，則有諫議大夫補闕拾遺三等之別，洎諸臺寺，率類於斯，悉有當資，各須循守，若依唐虞故事，咸以九載爲期，是宜高位常苦於乏人，下寮每嗟於白首。三代爲理，損益不同，豈必樂於變易哉。蓋時勢有不得已也。至如鯀陞洪水，績用靡成，猶終九年，然後殛竄，後代設有如鯀之比者，豈復能

剽悍捷速  
亦可資嗚

嗚



犀可馴龍  
可居

聽其言則  
美施於用  
則爭此類  
是也

九年而始行罰乎。臣固知其必不能也。行罰欲速而進官欲遲。以此爲稽古之方。是猶却行而求及前人。也。頃者臣因奏事論及內外序遷。陛下乃言舊例居官歲月皆久。朕外祖曾作秘書少監。一任經十餘年。董晉將順睿情。遂奏云。臣於大曆中曾任祠部司勳。二郎中各經六考。陛下之意頗爲宜然。以臣蠢愚。實有偏見。凡徵舊例。須辯是非。是者不必淪。非者不必守。況於舊例之內。自有舛駁之異哉。先聖之初。權臣用事。其於除授。類多徇情。有一月屢遷。有積年不轉。

迨至中歲。君臣構嫌。姑務優柔。百事凝滯。其於選授。尤所艱難。始以頗僻失平。繼以疑阻成否。至使彝倫闕叙。庶位多淹。是皆可懲。曷足爲法。夫覈才馭吏。有三術焉。一曰拔擢以旌其異能。二曰黜罷以糾其失職。三曰序進以謹其守常。如此則高課者驟升。無庸者亟退。其餘績非出類。守不敗官。則循以常資。約以定限。故得殊才不滯。庶品有倫。參酌古今。此爲中道。而議者暗於通理。一槩但曰宜久其任。得非誦老生之常談。而不推時變者乎。夫列位分官。緝熙帝載。匪

總之久任  
與超遷二  
者不可偏  
廢

六經書為  
屬儒理沒  
得此公方  
亦知頭

唯應務兼亦養才。是以職事雖有小大。開劇之殊。而俱不可曠缺者。蓋備於時而用耳。故記曰。天子以騶虞為節。樂官備也。唯經邦贊國之任。則非有盛德。不可以居。故記曰。設四輔。及三公。不必備。唯其人。議者昧於明徵。一槩但曰。官無其人。則闕。得非守舊典之糟粕。而不本事情者乎。今內外羣官。考深合轉。陛下或言其已有次第。須且借畱。或謂其未著功勞。何用數改。是乃循默者。既以無聞而不進。著課者。又有成績。而見淹。雖能否或差。而沉滯無異。人之從宦。積小

夫久不足  
以示激勸

成高。至於內列朝行。外登郡守。其於更歷。多已長年。孜孜慎修。計日思進。而又淹逾考限。亟易星霜。顧懷生涯。能不興歎。殊異登延之義。且爭勸勵之方。夫長吏數遷。固非理道。居官過久。亦有弊生。何者。時俗常情。樂新厭舊。有始卒者。其唯聖人降及中才。罕能無變。其始也。砥礪之心。必切。其久也。因循之意。必萌。加以盈無不虧。張無不弛。天地神化。且難常全。人之所為。安得皆當。是以分分而度。至丈必差。銖銖而稱。至鈞必謬。莅職既久。寧無咎愆。或為姦吏所持。或坐深

同歸凶等  
不能得也

文所糾、偶以一跌、盡隳前功、至使理行不終、能名中  
缺、豈非上失其制、而推致以及於斯乎、故聖人愛人  
之才、慮事之弊、採其英華而使之、當其茂暢而獎之、  
不滯人於已成之功、不致人於必敗之地、是以銳不  
挫而力不匱、官有業而事有終、此理之中庸、故書以  
為法、遷轉甚速、則人心苟而職業不固、甚遲、則人心  
怠而事守浸衰、然則甚速與甚遲、其弊一也、陛下俯  
徇浮議、謂協典謨、久次當進者、既曰、務欲且畱、缺員  
須補者、復曰、官不必備、則才彥何由進、益理化孰與

表世輕忽  
人才既如

交修、此所謂循故事而不擇、可否之患也、伏惟陛下、  
憂勤務理、夢想思賢、體陶唐有虞聰明之德、以敷求  
法太宗天后英邁之風、以拔擢、然而得人之盛、尚愧  
前朝底乂之功、未光當代、良以七患未去、三術未行、  
而又睿察太深、宸嚴太峻、常人才器、曷副天心、故雖  
獲超升、亦驟從黜廢、人物殘瘁、抑斯之由、而議者莫  
究致弊之端、但思革弊之策、反以廣於進用為情、故  
以梗於除授為精詳、以避諂為奉公之誠、以擿瑕為  
選士之要、乃至稱毀紛揉、美惡混并、凡有遷升、必遭

倚。據。聖。德。廣。納。不。時。發。明。小。人。多。言。益。敢。陰。詐。以。是  
 眩。惑。目。無。全。人。進。用。之。意。轉。疑。汲。引。之。塗。漸。隘。舊。齒  
 既。凋。敗。幾。盡。下。位。或。滯。淹。罕。升。故。令。官。序。失。倫。人。才  
 不。長。資。望。漸。薄。砥。礪。浸。微。高。卑。等。衰。殆。不。相。續。臣。以  
 竊。位。屬。當。序。才。懼。曠。庶。官。亟。黷。宸。扆。昧。識。不。足。以。周  
 物。微。誠。不。足。以。動。天。徒。勤。進。善。之。心。轉。積。妨。賢。之。罪。  
 恐。惶。交。慮。焚。灼。盈。懷。凡。除。吏。者。非。謗。刺。之。所。生。必。怨  
 一。之。所。聚。宰。臣。獲。戾。多。起。於。茲。屢。屢。上。干。何。所。為。利。  
 以。待。罪。鈞。轄。職。思。其。憂。兼。迫。於。感。恩。願。效。之。誠。不

得不冒昧言之耳其於裁擇用捨惟陛下圖之謹奏

湯賓尹曰人主求賢若渴登進宜時故有鰥也而

竟攝宸扆牧豕也而速登相位其鼓舞人欲顯

榮之如此故諸葛亮之治蜀健為太守李嚴辟

洪為功曹嚴未去健為而洪已為蜀郡太守洪

舉門下書佐何祇有才畧洪尚在蜀而祇以為

廣漢太守當時稱亮能盡時人之用唐世選法

壞於裴光庭而掩抑奸忌者借久任為蠲證之

術使簿書鞅掌州沒終身悲夫宣公挾久任之

弊可謂金匱剖膜

補位。馬。爲。也。曹。蠟。未。去。對。爲。而。其。日。急。從。將。太。宗。其。  
初。徵。榮。之。收。出。始。精。薄。議。之。帝。選。賢。爲。太。宗。李。勣。料。  
心。理。哀。憫。氣。息。亦。不。也。而。其。登。拜。用。其。短。賤。人。爲。顯。  
愚。庸。無。日。人。往。來。贊。詩。感。登。聖。宜。制。好。信。難。也。而。  
豈。不。肩。相。言。之。其。其。效。殊。對。用。外。部。聖。所。圖。之。議。奏。

陸宣公奏議卷之二十三

唐吳郡陸

贊著

明

宣城湯賓尹評

武林王挺生訂

均節賦稅恤百姓六條

其一論兩稅之弊須有澄革

國朝著令賦役之法有三。一曰租。二曰調。三曰庸。古  
者一井之地。九夫共之。公田在中。藉而不稅。私田不  
善。則非吏。公田不善。則非民。事頗纖微。難於防檢。春  
秋之際。已不能行。故國家襲其要而去其煩。丁男一

實究根原  
便見有本  
之學

詳細絕不  
翻塗

人授田百畝，但歲納租粟二石而已。言以公田假人而收其租入，故謂之租。古者任土之宜，以奠賦法。國家就因往制，簡而壹之。每丁各隨鄉土所出，歲輸若絹若綾若純，共二丈，綿三兩。其無蠶桑之處，則輸布二丈五尺，麻三斤。以其據丁戶，調而取之，故謂之調。古者用人之力，歲不過三日。後代多事，其增十之。國家斟酌物宜，立為中制。每丁一歲定役二旬，若不役，則收其庸。日準三尺，以其出絹，而當庸直，故謂之庸。此三道者，皆宗本前哲之規模，參考歷代之利害，其

通明公正  
醇儒之言

取法也遠，其立意也深，其歛財也均，其域人也固，其裁規也簡，其備慮也周。有田則有租，有家則有調，有身則有庸。天下為家，法制均壹。雖欲轉徙，莫容其姦。故人無搔心，而事有定制。以之厚生，則不隄防，而家業可久。以之成務，則不校閱，而眾寡可知。以之為理，則法不煩，而教化行。以之成賦，則下不困，而上用足。三代創制，百王是程。雖維御損益之術，小殊。而其義一也。天寶季歲，羯胡亂華。海內波搖，兆庶雲擾。版圖隳於避地，賦法壞於奉軍。建中之初，再造百度。執事

但知數之  
為十而不  
知二五之  
即為十故  
一法立一  
弊生

者知弊之宜革。而所作兼失其源。知簡之可從。而所  
操不得其要。舊患雖減。新沴復滋。救跛成痿。展轉增  
劇。凡欲拯其積弊。須窮致弊之由。時弊則但理其時。  
法弊則全革其法。而又揆新校舊。慮遠圖難。規略未  
詳。悉固不果行。利害非相懸。固不苟變。所為必當其  
悔。乃亾。若好革而不知原始要終。斯皆以弊易弊者  
也。至如賦役舊法。乃是聖祖典章。行之百年。人以為  
便。兵興之後。供億不常。乘急誅求。漸廢經制。此所謂  
時之弊。非法弊也。時有弊而未理。法無弊而已。更掃

輒徭薄賦  
與民更始  
方可如何  
反厚歛  
苦藥良鍼  
假規時弊

庸調之成規。創兩稅之新制。立意且爽。彌綸又踈。竭  
耗編昨。日日滋甚。夫作法裕於人。未有不得人者也。  
作法裕於財。未有不失人者也。陛下初膺寶位。思致  
理平。誕發德音。哀痛流弊。念徵役之頻重。憫丞黎之  
困窮。分命使臣。敷揚惠化。誠宜損上益下。嗇用節財。  
窒侈欲。以盪其貪風。息冗費。以紓其厚歛。而乃搜摘  
郡邑。劾驗簿書。每州各取大曆中一年科率錢穀數。  
最多者。便為兩稅定額。此乃採非法之權。命以為經。  
制。總無名之暴賦。以立恒規。是務取財。豈云恤隱。作

法而不以裕人極病爲本得非立意且爽者乎。夫財之所生必因人力工而能勤則豐富拙而兼惰則窶空。是以先王之制賦入也必以丁夫爲本無求於力分之外無貨於力分之內故不以務穡增其稅不以輟稼減其租則播種多不以殖產厚其征不以流寓免其調則地利固不以飭勵重其役不以窳怠蠲其庸則功力勤如是然後能使人安其居盡其力相觀而化時靡遁心雖有惰遊不率之人亦已懲矣兩稅之立則異於斯唯以資產爲宗不以丁身爲本資產

少者則其稅少資產多者則其稅多曾不悟資產之中事情不一有藏於襟懷囊篋物雖貴而人莫能窺有積於場圃困倉直雖輕而衆以爲富有流通蕃息之貨數雖寡而重日收贏有廬舍器用之資價雖高而終歲無利如此之比其流實繁一槩計估算緡宜其失平長僞由是務輕費而樂轉徙者恒脫於徭稅敦本業而樹居產者每困於徵求此乃誘之爲姦毆之避役力用不得不弛風俗不得不訛閭井不得不殘賦入不得不闕復以創制之首不務齊平但令本

游評該博  
胸中具有  
武庫

卓識弘議  
經生所爲  
卷舌



搜鴻別靈  
高者及青  
天精者窮  
深源

道本州。各依舊額徵稅。軍興已久。事例不常。供應有煩。簡之殊。牧守有能否之異。所在徭賦。輕重相懸。既成新規。須懲積弊。化之所在。足使無偏。減重分輕。是將均濟。而乃急於聚斂。懼或蠲除。不量物力所堪。唯以舊額為準。舊重之處。流亾益多。舊輕之鄉。歸附益衆。有流亾則已重者。攤徵轉重。有歸附則已輕者。散出轉輕。高下相傾。勢何能止。又以謀始之際。不立科條。分遣使臣。凡十餘輩。專行其意。各制一隅。遂使人殊見道異法。低昂不類。緩急不倫。逮至復命于朝。竟

無類會裁處。其於躋駁。胡可勝言。利害相形。事尤非便。作法而不以究微。防患爲慮。得非彌綸又疎者乎。立意且爽。彌綸又疎。凡厥疲人。已嬰其弊。就加保育。猶懼不支。况復亟繚。焚絲重傷。宿痛其爲擾病。抑又甚焉。請爲陛下舉其尤者六七端。則人之困窮。固可知矣。大曆中。紀綱廢弛。百事從權。至於率稅。少多皆在。牧守裁制。邦賦旣無定限。有司懼有闕供。每至徵配之初。例必廣張名數。以備不時之命。且爲施惠之資。應用有餘。則遂減放。增損旣由郡邑。消息易協。物

萬事不理  
而省宜公  
就如何其  
經濟之優  
長

不假鈞距  
通鑑之弊

感念昔知

列言狷吏  
出鬼入神  
有以洞如  
之若此

宜故法雖久。初而人未甚瘁。及總雜徵虛數。以為兩  
 稅恒規。悉登地官。咸繫經費。計奏一定。有加無除。此  
 則人益困窮。其事一也。本懲賦歛繁重。所以變舊從  
 新。新法既行。已重於舊。旋屬征討。國用不克。復以供  
 軍為名。每貫加徵二百。當道或增戍旅。又許量事。取  
 資詔勅。皆謂權宜。悉令事畢。停罷息兵。已久。加稅如  
 初。此則人益困窮。其事二也。定稅之數。皆計緡錢。納  
 稅之時。多配綾絹。往者納絹一疋。當錢三千二三百  
 文。今者納絹一疋。當錢一千五六百文。往輸其一者。  
 今過於二矣。雖官非增賦。而私已倍輸。此則人益困  
 窮。其事三也。諸州稅物。送至上都。度支頒給羣司。例  
 皆增長本價。而又繆稱折估。抑使剝徵。姦吏因緣。得  
 行侵奪。所獲殊寡。所擾殊多。此則人益困窮。其事四  
 也。稅法之重。若是既於已極之中。而復有奉進宣索  
 之繁。尚在其外。方岳頗拘於成例。莫敢闕供。朝典又  
 束以彛章。不許別稅。綺麗之飾。統素之饒。非從地生。  
 非自天降。若不出編戶之筋力膏髓。將安所取哉。於  
 是有巧避徵文。曲成庸旨。變徵役以召僱之目。換科

借冒各  
莫甚於賦  
後

配以和市之名。廣其課而狹償其庸。精其入而麤計其直。以召僱爲目。而捕之不得不來。以和市爲名。而迫之不得不出。其爲妨抑。特甚常徭。此則人益困窮。其事五也。大曆中。非法賦歛。急備供軍。折估宣索。進奉之類者。旣並收入兩稅矣。今於兩稅之外。非法之事。復又並存。此則人益困窮。其事六也。建中定稅之始。諸道已不均齊。其後或吏理失宜。或兵賦偏重。或癘疾鍾害。或水旱荐災。田里荒蕪。戶口減耗。牧守苟避於毀責。罕盡申聞。所司姑務於取求。莫肯矜恤。遂

於海月明  
殊皆有淚

於逃死闕。乏稅額累加。見在疲暍一室。已空四鄰。繼盡漸行。增廣何由。自存此則人益困窮。其事七也。自至德迄于大曆。二十年餘。兵亂相乘。海內罷弊。幸遇陛下紹膺寶運。憂濟生靈。誕敷聖謨。痛矯前弊。垂愛人節用之旨。宣輕徭薄賦之言。率土烝黎。感涕相賀。延頸企踵。咸以謂太平可期。旣而制失其中。歛從其重。頗乖始望。已沮群心。因之以兵甲。而煩暴之取轉加。繼之以獻求。而靜約之風浸靡。臣所知者。總梗槩耳。而人益困窮之事。已有七焉。臣所不知。何啻於此。

陛下儻追思大曆中所聞人間疾苦而又有此七事  
 重增於前則人之無聊不問可悉昔魯哀公問於有  
 若曰年饑用不足如之何有若對曰盍徹乎哀公曰  
 二吾猶不足如之何其徹也有若曰百姓足君孰與  
 不足百姓不足君孰與足孔子曰有國有家者不患  
 寡而患不均不患貧而患不安蓋均而無怨節而無  
 貧和而無寡安而無傾漢文恤患救災則命郡國無  
 來獻是以人為本以財為末人安則財贍本固則邦  
 寧今百姓艱窮非止不足稅額類例非止不均求取

軍法何法  
 本之類其  
 陳之宛臨

繁多非止來獻誠可哀憫亦可憂危此而不圖何者  
 為急聖情重慎每戒作為伏知貴欲因循不敢盡求  
 釐革且去其太甚亦足小休望令所司與宰臣參量  
 據每年支用色目中有不急者無益者罷廢之有過  
 制者廣費者減節之遂以罷減之資迴給要切之用  
 其百姓稅錢頃因軍興每貫加徵二百者下詔停之  
 用復其言俾人知信下之化上不令而行諸道權宜  
 加徵亦當自請蠲放如是則困窮之中十緩其二三  
 矣供御之物各有典司任土之儀各有常貢過此以

諸道百獻  
母身大病  
目擊時艱  
文憫中說

不在官則  
在民司馬  
君實之言  
新曲述

往復何所須。假欲崇飾燕居。儲備賜與。天子之貴。寧  
憂乏財。但勅有司。何求不給。豈必旁延進獻。別徇營  
求。減德示私。傷風敗法。因依縱擾。為害最深。陛下臨  
御之初。已弘清淨之化。下無曲獻。上絕私求。近歲已  
來。稍渝前言。今但滌除流誤。振起聖猷。則淳風再興。  
賄道中寢。雖有貪饗之輩。曷由復肆侵漁。州郡羨財。  
亦將焉往。若不上輸王府。理須下紓疲人。如是則困  
窮之中。十又緩其四五矣。所定稅物估價。合依當處  
月中。百姓輸納之時。累經州縣簡閱。事或涉於姦冒。

過則不在戶人。重重剝徵。理甚無謂。聖令所司。應諸  
州府送稅物到京。但與色樣相符。不得虛稱折估。如  
濫惡尤甚。給用不克。唯罪元納官司。亦勿更征百姓。  
根本既自端靜。枝葉無因動搖。如是則困窮之中。十  
又緩其二三矣。然後據每年見供賦稅之處。詳論詔  
旨。咸俾均平。每道各令知兩稅判官一人。赴京與度  
支類會參定。通計戶數。以配稅錢。輕重之間。大約可  
準。而又量土地之沃瘠。計物產之少多。倫比諸州。定  
為兩等。州等下者。其每戶配錢之數少。州等高者。其

羅紀賦役  
有遺凌雲  
臺手段分  
配毫忽不

每戶配錢之數多。多少已差。悉令折衷。仍委觀察使。更於當管所配錢數之內。均融處置。務盡事宜。就於一管之中。輕重不得偏併。雖或未盡齊一。決當不甚低昂。既免擾人。且不變法。粗均勞逸。足救凋殘。非但徵賦易供。亦冀逋逃漸息。俟稍寧阜。更擇所宜。

湯賓尹曰。若寬力役之征。便是蕩平之策。古人反裘負薪之喻。極為精切。柰何毒賊年滋。愁民歲廣。元元病首。控訴無依。挺而走險。急何能釋。是已之賦法。其為猛虎驅民。而絀之藩鎮也。豈不

盡 眞哉。粗陳其槩。已有七端。細數其詳。尚難書述。

大國。與言及此。能無隕洛陽之涕。生之業而後服其

什一焉。其所取也。量人之力。任土之宜。非力之所出。

則不征。非土之所有。則不貢。謂之通法。歷代常行。大

凡生於天地之間。而五材之用為急。五材者。金木水

火土也。水火不資於作。為金木自產於山澤。唯土受

低昂既免。擾人且不變法。則均勞逸。是救獨殘非但  
徵賦易供。亦黃連逃。漸與。植。寧。早。更。得。所。宜。  
湯。賓。尹。曰。若。寬。力。役。之。使。便。是。湯。平。之。策。古。人。及  
表。負。薪。之。喻。極。為。精。切。奈。何。昔。賦。年。滋。烈。民。歲  
興。言。又。此。道。無。聞。祭。則。之。漸。走。險。急。何。能。擇。是  
盡。若。賦。刺。其。樂。也。育。子。識。賦。其。精。尚。璞。書。云

其二請兩稅以布帛為額不計錢數

夫國家之制賦稅也。必先道以厚生之業。而後取其  
什一焉。其所取也。量人之力。任土之宜。非力之所出。  
則不征。非土之所有。則不貢。謂之通法。歷代常行。大  
凡生於天地之間。而五材之用為急。五材者。金。木。水。  
火。土。也。水。火。不。資。於。作。為。金。木。自。產。於。山。澤。唯。土。爰。  
播。植。非。力。不。成。衣。食。之。源。皆。出。於。此。故。可。以。勉。人。功。  
而定賦入者。唯布麻繒纊與百穀焉。先王懼物之貴  
賤失平。而人之交易難准。又立貨泉之法。以節輕重

為理亦自  
尋常人想  
不到

古人重穀  
帛而賤金  
主

稅丹之圓  
有自宜公

丁卯世出

取帶上文  
嗣清婉切

之宜歛散弛張必由於是蓋御財之大柄為國之利  
權守之在官不以任下然則穀帛者人之所為也錢  
貨者官之所為也人之所為者故租稅取焉官之所  
為者故賦歛捨焉此又事理著明者也是以國朝著  
令稽古作程所取於人不踰其分租出穀庸出絹調  
雜出繒纒布麻非此族也不在賦法列聖遺典粲然  
可徵曷嘗有禁人鑄錢而以錢為賦者也今之兩稅  
獨異舊章違任土之通方效算緡之末法不稽事理  
不揆人功但估資產為差便以錢穀定稅臨時折徵

雜物每歲色目頗殊唯計求得之利宜靡論供辦之  
難易所徵非所業所業非所徵遂或增價以買其所  
無減價以賣其所有一增一減耗損已多且百姓所  
營唯在耕織人力之作為有限物價之貴賤無常而  
乃定稅計錢折錢納物是將有限之產以奉無常之  
輸納物賤則供稅之所出漸多多則人力不給納物  
貴則收稅之所入漸少少則國用不克公私二途常  
不兼濟以此為法未之前聞往者初定兩稅之時百  
姓納稅一疋折錢三千二三百文大率萬錢為絹三



格變通融  
非泥古者

疋價既稍貴數則不多及乎頒給軍裝計數而不計價此所謂稅入少而國用不克者也近者百姓納絹一疋折錢一千五六百文大率萬錢爲絹六疋價既轉賤數則漸加向之蠶織不殊而所輸尚欲過倍此所謂供稅多而人力不給者也今欲不甚改法而粗救災害者在乎約循典制而以時變損益之臣謂宜令所司勘會諸州府初納兩稅年絹布定估比類當今時價加賤減貴酌取其中總計令稅之錢折爲布帛之數仍依庸調舊制各隨鄉土所宜某州某年定

美利利天  
下皆因自  
然何必巧  
爲設創

出稅布若干端某州某年定出稅絹若干疋其有絲綿雜貨亦隨所出定名勿更計錢以爲稅數如此則上有常制人有常輸衆皆知上令之不遷於是一其心而專其業應出布麻者則務於紡績供綿編者則事於蠶桑日作月營自然便習各修家技皆足供官無求人假手之勞無賤鬻貴買之費無暴徵急辦之弊無易常改作之煩物甚賤而人之所出不加物甚貴而官之所入不減是以家給而國足事均而法行此直稍循令典之舊規固非創制之可疑者也然蚩

假爲答問  
其言如透

蚩之俗罕究事情好騁異端妄行沮議臣請假爲問  
答以備討論陛下誠有意乎憐愍蒼生將務救恤但  
垂聽覽必有可行議者若曰每歲經費所資大抵皆  
約錢數若今以布帛爲額是令支計無憑答曰國初  
約法已來常賦率由布帛輸二甲子制用不愆何獨  
當今則難支計且經費之大其流有三軍食一也軍  
衣二也內外官月俸及諸色資課三也軍衣固在於  
布帛軍食又取於地租其計錢爲數者獨月俸資課  
而已制祿唯不計錢故三代以食人衆寡爲差兩漢

例詳密  
獨於後

以石數多少爲秩蓋以錢者官府之權貨祿者吏屬  
之常資以常狗權則豐約之度不得恒於家以權爲  
常則輕重之柄不得專於國故先王制祿以食而平  
貨以錢然後國有權而家有節矣況今餽餉方廣倉  
儲未豐盡復古規或慮不足若但據羣官月俸之等  
隨百役資課之差各依錢數少多折爲布帛定數某  
官月給俸絹若干疋某役月給資布若干端所給色  
目精粗有司明立條例便爲恒制更不計錢物甚賤  
而官之所給不加物甚貴而私之所稟不減官私有

準。何利如之。生人大端。衣食為切。有職田以供食。有  
俸絹以供衣。從事之家。固足自給。以茲制事。誰曰不  
然。夫然則國之用財。多是布帛。定以為賦。復何所傷。  
議者若曰。吏祿軍裝。雖頒布粟。至於以時歛糴。用權  
物價重輕。是必須錢。於何取給。答曰。古之聖人。所以  
取山澤之蘊材。作泉布之寶貨。國專其利。而不與人  
共之者。蓋為此也。物賤由乎錢少。少則重重。則加鑄  
而散之。使輕物貴。由乎錢多多。則輕輕。則作法而歛  
之。使重。是乃物之貴賤。繫於錢之多少。錢之多少。在

即毋權子  
子權母之  
說而暢言  
之

於官中盈縮。官失其守。反求於人。人不得鑄錢而限  
令共稅。是使貧者破產。而假資於富有之室。富者蓄  
貨而竊行於輕重之權。下困齊人。上虧利柄。今之所  
病。諒在於斯。誠宜廣即山殖貨之功。峻用銅為器之  
禁。苟制持得所。則錢不乏矣。有糴鹽以入其直。有權  
酒以納其資。苟消息合宜。則錢可收矣。錢可收。固可  
以歛輕為重。錢不乏。固可以散重為輕。弛張在官。何  
所不可。慮無所給。是未知方。議者若曰。自定兩稅。以  
來。恒使計錢納物。物價漸賤。所納漸多。出給之時。又

夫公立九  
府圖法錢  
亦不可廢  
歛散有道  
則費用自  
盈

肅代以來  
賦法已大  
壞至於德  
宗又甚焉

增虛估、廣求羨利、以贍庫錢、歲計月支、猶患不足、今若定供布帛出納、以平軍國之資、無乃有關、答曰、自天寶以後、師旅數起、法度消亾、肅宗撥滔天之災、而急於功賞、先帝邁含垢之德、而緩於糾繩、由是用頗殷繁、俗亦靡弊、公賦已重、別獻繼興、別獻既行、私賂競長、誅求刻剝、日長月滋、積累以至於大曆之間、所謂取之極甚者也、今既總收極甚之數、定爲兩稅矣、所定別獻之類、復在數外矣、聞緣軍用不給、已嘗加徵矣、近屬折納價錢、則又多獲矣、比於大曆極甚之

左旋右拂  
靡不如意

數殆將再益其倍焉、復幸年穀屢豐、兵車少息、而用常不足、其故何哉、蓋以事逐情生、費從事廣、物有劑而用無節、夫安得不乏乎、苟能黜其情、約其用、非但可以布帛爲稅、雖更減其稅、亦可也、苟務逞其情、侈其用、非但行今重稅之不足、雖更加其稅、亦不足也、夫地力之生物、有大數、人力之成物、有大限、取之有度、用之有節、則常足、取之無度、用之無節、則常不足、生物之豐、敗由天、用物之多少、由人、是以聖王立程、量入爲出、雖遇災難、下無困窮、理化既衰、則乃反是、

盛世與衰  
世常反其  
類說得明  
快盡

侈惡之大  
儉德之共  
二句該之

量出爲入。不恤所無。故魯哀公問年饑用不足。如之  
何。有若對以盍徹。桀用天下而不足。湯用七十里而  
有餘。是乃用之盈虛。在於節與不節耳。不節則雖盈  
必竭。能節則雖虛必盈。衛文公承滅國之餘。建新徙  
之業。革車不過三十乘。豈不甚殆哉。而能衣大布冠  
大帛。約已率下。通商務。農卒以富強。見稱載籍。漢文  
帝接秦項積久傷夷之弊。繼高呂革創多事之時。家  
國虛殘。日不暇給。而能躬儉節用。靜事息人。服曳綈。  
履革舄。却駿馬。而不御。罷露臺。而不修。屢賜田租。以

厚烝庶。遂使戶口蕃息。百物阜殷。乃至鄉曲宴遊。乘  
牝犝者。不得赴會。子孫生長。或有積數十歲。不識市  
鄠。御府之錢。貫朽而不可校。太倉之粟。紅腐而不可  
食。國富於上。人安於下。生享遐福。沒垂令名。人到于  
今。稱其仁賢。可謂盛矣。太宗文皇帝。收合版蕩。再造  
寰區。武德年中。革車屢動。繼以災歉。人多流離。貞觀  
之初。荐屬霜旱。自關輔綿及三河之地。米價騰貴。斗  
易一縑。道路之間。餒殍相藉。太宗敦行儉約。撫養困  
窮。視人如傷。勞佚不倦。百姓有鬻男女者。出御府金

參於成憲  
承無初志

帛贖還其家，嚴禁貪殘，慎節徭賦，弛不急之用，省無事之官，黜損乘輿，斥出宮女，太宗嘗有氣疾，百官以大內卑濕，請營一閣以居，尚憚煩勞，竟不之許，是以至誠上感，淳化下敷，四方大和，百穀連稔，貞觀八年以後，米斗至四五錢，俗阜化行，人知義讓，行旅萬里，或不齋糧，故人到于今，談帝王之盛，則必先太宗之聖功，論理道之崇，則必慕貞觀之故事，此二君者，其經始豈不艱窘哉，皆以嗇用愛人，竟獲豐福，是所謂能節雖虛必盈之効也，秦始皇據嶠函之固，藉雄富

之業，專力農戰，廣收材豪，故能芟滅暴強，宰制天下，功成志滿，自謂有泰山之安，貪欲熾然，以爲六合莫予違也，於是發閭左之戍，徵太半之賦，進諫者謂之宣謫，恤隱者謂之收恩，故徵發未終而宗社已泯，漢武帝遇時運理平之會，承文景勤儉之積，內廣興作，外張甲兵，侈汰無窮，遂至殫竭，大搜財貨，算及舟車，遠近騷然，幾至顛覆，賴武帝英姿大度，付任以能，納諫無疑，改過不吝，下哀痛之詔，罷征伐之勞，封丞相爲富民侯，以示休息，邦本搖而復定，帝祚危而再安。

隋氏因周室平齊之資，府庫克實，開皇之際，理尚廉平。是時公私豐饒，議者以比漢之文景。煬帝嗣位，肆行驕奢，竭耗生靈，不知止息。海內怨叛，以至於此。此三君者，其所憑藉，豈不豐厚哉！此皆以縱欲殘人，竟致蹙喪，是所謂不節則雖盈必竭之效也。秦隋不悟，而遂滅。漢武中悔而獲存，乃知懲與不懲，覺與不覺，其於得失相遠，復有存滅之殊。安可不思，安可不懼。今人窮日甚，國用歲加，不時節量，其勢必蹙，而議者但憂財利之不足，罔慮安危之不持。若然者，則太宗漢文之德，曷見稱。秦皇隋煬之敗，靡足戒。唯欲是逞，復何規哉！幸屬休明，將期致理，急聚歛而忽於勤恤，固非聖代之所宜言也。

湯賓尹曰：唐初賦法，若絹若綾，若絁綿布麻之屬，罔不克賦，以其土之利。克其貢之資，是以貧者無丐貸之虞，富者無兼併之患。善之善者也。後世樂魯褒之錢神行，榮夷之楮克，而民不聊生矣。歸束節儉，尤為採本之論。

無。也。貧。之。與。富。者。無。兼。而。之。愚。善。之。善。者。也。資。  
國。不。京。類。以。其。土。之。所。京。其。貢。之。資。是。以。貧。者。  
斯。實。其。日。與。所。類。去。其。所。去。其。所。去。其。所。去。  
固。非。望。外。之。所。宜。有。也。誠。之。所。安。可。不。思。安。可。不。懼。  
身。同。財。若。幸。與。林。則。殊。其。姪。野。意。樂。燄。而。感。其。情。也。  
萬。文。之。歸。其。具。無。秦。皇。割。地。之。類。魏。吳。無。其。所。是。其。

其三論長吏以增戶加稅闢田為課績

夫欲施教化。立度程。必先域人。使之地著。古之王者。  
設井田之法。以安其業。立五宗之制。以綴其恩。猶懼。  
其未也。又教之族墳墓。敬桑梓。將以固人之志。定人。  
之居。俾皆重遷。然可為理。厥後又督之以出鄉遊惰。  
之禁。糾之以版圖比閭之方。雖訓導漸微。而檢制猶。  
密。歷代因襲。以為彛章。其理也。必謹於隄防。其亂也。  
必慢於經界。斯道崇替。與時興衰。人主失之。則不可。  
御寰區。守長失之。則不可。釐郡邑。理人之要。莫急於。

左國風神



茲頃因兵興典制弛廢戶版之紀綱罔緝土斷之條約不明恣人浮流莫克禁止從之則湊集整之則驚離恒懷倖心靡固本業是以賦稅不一教令不行長人者又罕能推忠恕易地之情體至公徇國之意迭行小惠競誘姦昵以傾奪鄰境爲智能以招萃逋逃爲理化捨彼適此者旣謂新收而獲宥倏忽往來者又○以○復○業○而○見○優○唯○懷○土○安○居○首○未○不○遷○者○則○使○之○日○重○歛○之○日○加○是○令○地○著○之○人○恒○代○墮○遊○服○役○則○何○異○驅○之○轉○徙○教○之○澆○訛○此○由○牧○宰○不○克○弘○通○各○私○所

部之過也。及夫廉使奏課會府考功但守常規不稽時變其所以爲長吏之能者大約在於四科。一曰戶口增加。二曰田野墾闢。三曰稅錢長數。四曰徵辦先期。此四者誠吏職之所崇然立法齊人久無不弊法之所沮則人飾巧而苟避其網法之所勸則人興僞以曲附其文理之者若不知維御損益之宜則巧僞萌生恒因沮勸而滋矣。夫課吏之法所貴戶口增加者豈不以撫字得所人益阜蕃乎。今或詭情以誘其姦浮苛法以析其親族苟益戶數務登賞條所誘者

保淳懿之  
道綜虛明  
之識

一事必慮  
其終識高  
千古

將議薄征已遽驚散所析者不勝重稅又漸流亾州  
縣破傷多起於此長吏相效以爲績安忍莫懲齊人  
相扇以成風規避轉甚不究實而務增戶口有如是  
之病焉所貴田野墾闢者豈不以訓導有術人皆樂  
業乎今或牽率黎烝播植荒廢約以年限免其地租  
苟農夫不增而墾田欲廣新畝雖闢舊畝反無人種  
免租頗亦從今年限纔滿復爲污萊有益煩勞無增  
稼穡不度力而務闢田野有如是之病焉所貴稅錢  
長數者豈不以旣庶而富人可加賦乎今或重困疲

及覆辨說  
靈有精神

羸力求附益捶骨瀝髓累家取材苟媚聚歛之司以  
爲仕進之路不恤人而務長稅數有如是之病焉所  
貴徵辦先期者豈不以物力優贍人皆樂輸乎今或  
肆毒作威殘人逞欲事有常限因而促之不量時宜  
唯尚強濟絲不容織粟不暇舂矧伊貧虛能不奔迸  
不恕物而務先徵辦有如是之病焉然則引人逋逃  
蹙人艱窘唯茲四病亦有助焉此由考覈不切事情  
而泛循舊轍之過也且夫戶口增加田野墾闢稅錢  
長數徵辦先期若不以實事驗之則真僞莫得而辨

循環玩味  
想見文心  
更細

將驗之以實則租賦須加所加既出於人固有受其  
損者此州若增客戶彼郡必減居人增處邀賞而稅  
數有加減處懼罪而稅數不降儻國家所設考課之  
法必欲崇於聚斂則如斯可矣將有意乎富饒而務  
理豈不刺謬歟當今之要在於厚人而薄財撰上以  
益下下苟利矣上必安焉則少損者所以招大益也  
人既厚矣財必贍焉則蹙薄者所以成永厚也臣愚  
謂宜申命有司詳定考績徃貴於加者今務於減焉  
假如一州之中所稅舊有定額凡管幾許百姓復作

幾等差科每等有若干戶人每戶出若干稅物各令  
條舉都數年別一申使司使司詳覆有憑然後錄報  
戶部若當管之內人益阜殷所定稅額有餘任其據  
戶均減率計減數多少以爲考課等差其當管稅物  
通比按每戶十分減三分者爲上課十分減二分者  
次焉十分減一分者又次焉如或人多流亾加稅見  
戶比按殿罰法亦如之其百姓所出田租常賦則各  
以去年應輸之數便爲定額每歲據額徵納更不勘  
責檢巡增闢者勿益其租廢耕者不降其數足以誘

導墾植。且免妨奪農功。事簡體弘。人必悅勸。每至定  
戶之際。但據雜產校量。田既自有恒租。不宜更入兩  
稅。如此則吏無苟且。俗變澆浮。不督課而人自樂耕。  
不防閑而衆皆安土。斯亦當今富人固本之要術。在  
陛下舉而行之。

湯賓尹曰。增戶闢田。加爵進秩。鼓舞有司之良法  
也。但田稅之法。有活酒有死。寄有畸零。帶管有  
懸掛。拘回在策。不過紙上之推。在戶尤皆空中  
之影。况且不寃實。不度力。不恤人。不恕物。心私

而出惡政者乎。弊革利興。一勞永佚。是在良有  
司。加之意耳。人也。賦人取財。所以資國也。明在

不厚其所資。而害其所養。故必先人事。而備其暇力。  
先家給而斂其餘財。遂人所營。恤人所乏。備必以度。  
斂必以時。有度則息勞。得時則易給。是以官事無闕。  
人力不殫。公私相全。上下交愛。古之得衆者。其孝用

不防開而聚皆安。其期亦當今。察人固本之要術。在  
陛下舉而行之。

同此之意。其

而。出。縣。廼。青。平。池。革。陳。典。一。幾。永。州。長。亦。良。首。

### 其四論稅期限迫促

建官立國。所以養人也。賦人取財。所以資國也。明君  
不厚其所資。而害其所養。故必先人事而借其暇力。  
先家給而歛其餘財。遂人所營。恤人所乏。借必以度。  
歛必以時。有度則忘勞。得時則易給。是以官事無關。  
人力不殫。公私相全。上下交愛。古之得衆者。其率用  
此歛。法制或虧。本末倒置。但務取人以資國。不思立  
國以養人。非獨徭賦繁多。復無蠲貸。至於徵收迫促。  
亦不矜量蠶事。方輿已輸。縑稅農功未艾。遽歛穀租。

聶夷中之  
詩可爲深  
省

上○司○之○繩○責○既○嚴○。下○吏○之○威○暴○愈○促○。有○者○急○賣○而○耗○。其○半○直○無○者○求○假○而○費○。其○倍○酬○所○繫○。遲○速○之○間○。不○過○月○旬○之○異○。一○寬○稅○限○。歲○歲○相○承○。遲○無○所○妨○。速○不○爲○益○。何○急○敦○逼○。重○傷○疲○人○。頃○緣○定○稅○之○初○。期○約○未○甚○詳○悉○。旋○屬○征○後○多○故○。復○令○先○限○量○徵○。近○雖○優○延○。尚○未○均○濟○。望○委○轉○運○使○。與○諸○道○觀○察○使○。商○議○更○詳○定○徵○稅○期○限○。聞○奏○各○隨○當○土○風○俗○所○便○。時○候○所○宜○。務○於○紓○人○。俾○得○辦○集○。所○謂○惠○而○不○費○者○。則○此○類○也○。

湯賓尹曰。減年從役。增價樂輸。如此厚風。不可復

得矣。苟能定之以實期。不爲逼仄。則公私相全。臣聞上下相愛。亦何難哉。奈何情於事體。惟務剝瘡。費而催租。打門鷄犬。不靜寬一日。受一日之賜。在人之外之言。其利溥哉。前是以年雖大殺。聚不惟懼。夫

水旱爲敗。竟湯被之矣。陰陽相寇。聖何禦哉。所貴者。湯之盛者。在於遭患能濟耳。凡厥哲后。皆謹循之。故王制記虞夏殷周四代之長。力。用。時。也。年。七。言。日。

何意教通重傷疲人。頃緣定稅之初。期約未甚詳悉。旋屬征役多故。復令先限量徵。恐雖優延。尚未均濟。聖委出直其。既觀。使商議更詳。定徵。既期。限。開。奏。對。財。計。門。議。大。不。精。實。一。以。其。受。務。日。之。累。斗。人。辦。集。上。下。財。賦。受。亦。所。難。辦。奈。其。體。外。事。盡。州。縣。皆。感。其。難。矣。尚。謂。以。實。陳。不。為。難。及。限。公。事。財。全。

其五請以稅茶錢置義倉以備水旱

臣聞仁君在上。則海內無餓殍之人。豈必耕而餉之。費而食之哉。蓋以慮得其宜。制得其道。致人於歉乏之外。設備於災沴之前。是以年雖大殺。眾不恒懼。夫水旱為敗。堯湯被之矣。陰陽相寇。聖何禦哉。所貴堯湯之盛者。在於遭患能濟耳。凡厥哲后。皆謹循之。故王制記虞夏殷周四代之法。乃云國無九年之蓄。曰不足。無六年之蓄。曰急。無三年之蓄。曰國非其國也。周官司徒之屬。亦云掌鄰里之委積。以恤艱阨。縣鄙

有備無患  
歷可証驗

社倉義倉  
其名雖別  
總號長平

之委積以待凶荒。王制既衰，雜以權術。魏用平糴之法，漢置常平之倉，利兼公私，頗亦爲便。隋氏立制，始創社倉，終於開皇，人不饑饉。貞觀初，戴胄建積穀備災之議，太宗悅焉。因命有司詳立條制。所在貯粟，號爲義倉。豐則斂藏，歉則散給。歷高宗之代，五六十載，人賴其資。國步中艱，斯制亦弛。開元之際，漸復修崇。是知儲積備災，聖王之急務也。語曰：百姓足，君孰與不足；百姓不足，君孰與足。此言君養人以成國，人戴君以成生。上下相成，事如一體。然則古稱九年六年

之蓄者，蓋率土臣庶通爲之計耳。固非獨豐公庾不及編氓。記所謂雖有凶旱水溢，人無菜色，良以此也。後代失典籍，備慮之吉。忘先王子愛之心，所蓄糧儲，唯計廩庾。犬彘厭人之食，而不知檢溝壑委人之骨，而不能恤亂興於下，禍延於上。雖有公粟，豈得而食諸？故立國而不先養人，國固不立矣。養人而不先足食，人固不養矣。足食而不先備災，食固不足矣。爲官而備者，人必不贍；爲人而備者，官必不窮。是故論德昏明，在乎所務。本末務本則其末自遂，務末則其本

內法學宗  
如貫珠



兼亾國本於人安得不務頃以寇戎爲梗師旅亟興  
惠恤之方多所未暇每遇陰陽愆候年不順成官司  
所儲祇給軍食支計苟有所闕猶須更取於人人之  
凶荒豈遑賑救人小乏則求取息利人大乏則賣鬻  
田廬幸逢有年纔償逋債歛穫始畢糶糧已通執契  
檐囊行復貸假重重計息食每不充儻遇荐饑遂至  
顛沛室家相棄骨肉分離乞爲奴僕猶莫之售或行  
丐鄠里或縊死道途天災流行四方代有率計被其  
害者每歲常不下二十州以陛下爲人父母之心

若垂省憂固足傷惻幸有可救乏之道焉可捨而不  
念哉今賦役已繁人力已竭窮歲汲汲永無贏餘課  
之聚糧終不能致將樹儲蓄根本必藉官司助成陛  
下誠能爲人備災過聽愚計不害經費可垂永圖近  
者有司奏請稅茶歲約得五十萬貫元勅令貯戶部  
用救百姓凶饑今以蓄糧適副前旨望令轉運使總  
計諸道戶口多少每年所得稅茶錢使均融分配各  
令當道巡院主掌每至穀麥熟時卽與觀察使計會  
前就管內州縣和糴便於當處置倉收納每州令錄

事參軍專知。仍定觀察判官一人。與和糴巡院官同  
勾當。亦以義倉爲名。除賑給百姓已外。一切不得貸  
便支用。如時當大稔。事至傷農。則優與價錢。廣其糴  
數。穀若稍貴。糴亦便停。所糴少多。與年上下。准平穀  
價。恒使得中。每遇災荒。卽以賑給。小歉則隨事借貸。  
大饑則錄奏分頒。許從便宜。務使周濟。循環歛散。遂  
以爲常。如此則蓄財息債者。不能耗吾人。聚穀幸災  
者。無以牟大利。富不至侈。貧不至饑。農不至傷。糴不  
至貴。一舉事而衆美具。可不務乎。俟人小休。漸勸私

積。平糴之法。斯在。社倉之制。兼行。不出十年之中。必  
盈三歲之蓄。弘長不已。升平可期。使一代黎人。永無  
餒乏。此堯湯所以見稱於千古也。願陛下遵之。慕之。  
繼之。齊之。苟能存誠。蔑有不至。

湯賓尹曰。義倉之積。取之官。則帑藏空虛。勸之民。  
則擾害可慮。惟有茶稅原議。爲救百姓凶饑。而  
設。今以歛之民者。仍復散之於民。豐歉兼調。有  
無交濟。不廢斗粟。而彫瘵可蘇。法莫善於此矣。  
不然。臨渴掘井。綆短汲深。雖欲救之。其將能乎。

其六論兼弁之家私歛重於公稅  
國之紀綱在於制度商農工賈各有所專凡在食祿之家不得與人爭利此王者所以節材力勵廉隅是古今之所同不可得而變革者也代理則其道存而不犯代亂則其制委而不行其道存則貴賤有章豐殺有度車服田宅莫敢僭踰雖積貨財無所施設是以咸安其分罕狗貪求藏不偏多故物不偏罄用不偏厚故人不偏窮聖王能使禮讓興行而財用均足則此道也其制委則法度不守教化不從唯貨是崇

其六論兼弁之家私歛重於公稅

看斷制而  
雷之以温  
克

其六論兼弁之家私歛重於公稅  
國之紀綱在於制度商農工賈各有所專凡在食祿之家不得與人爭利此王者所以節材力勵廉隅是古今之所同不可得而變革者也代理則其道存而不犯代亂則其制委而不行其道存則貴賤有章豐殺有度車服田宅莫敢僭踰雖積貨財無所施設是以咸安其分罕狗貪求藏不偏多故物不偏罄用不偏厚故人不偏窮聖王能使禮讓興行而財用均足則此道也其制委則法度不守教化不從唯貨是崇

出於申韓  
則成毒藥  
出於宣公  
則為甘露

雖力是騁，貨力苟備，無欲不成。租販兼并，下錮齊人之業，奉養豐麗，上侔王者之尊。戶蓄羣黎，隸役同輩，既濟嗜欲，不虞憲章，肆其貪恣，曷有紀極。天下之物有限，富室之積無涯。養一人而費百人之資，則百人

亦為良法  
世奉行欠  
當月

古先哲王，疆理天下百畝之地，號曰一夫。蓋以一夫授田，不得過於百畝也。欲使人無廢業，田無曠耕，人力田疇二者適足。是以貧弱不至竭涸，富厚不至奢淫。法立事均，斯謂制度。今制度弛紊，疆理隳壞，恣人相吞，無復畔限。富者兼地數萬畝，貧者無容足之居。依託強豪，以為私屬，貸其種食，賃其田廬，終年服勞，無日休息。罄輸所假，常患不克。有田之家，坐食租稅，貧富懸絕，乃至於斯。厚歛促徵，皆甚公賦。今京畿之內，每田一畝，官稅五升，而私家收租，始有畝至一石。

陸宣公全集 卷之二十三  
者是二十倍於官稅也。降及中等，租猶半之。是十倍於官稅也。夫以土地王者之所有，耕稼農夫之所爲，而兼并之徒，居然受利，官取其一，私取其十，穡人安得足食，公廩安得廣儲，風俗安得不貪，財貨安得不壅。昔之爲理者，所以明制度而謹經界，豈虛設哉。斯道浸亾，爲日已久，頓欲修整，行之實難，華弊化人，事當有漸。望令百官集議，參酌古今之宜，凡所占田，約爲條限，裁減租價，務利貧人，法貴必行，不在深刻，裕其制，以便俗，嚴其令，以懲違，微損有餘，稍優不足，損不失富，優可賑窮，此乃古者安富恤窮之善經，不可捨也。

湯賞尹曰：富者田連阡陌，貧者曾無立錫之地，有之所司，安於其故，忍使制度之隳，而莫爲振刷，不知琴瑟改張，然後可鼓，蠱壞必飭，乃致元亨。或者及我，以事體重大，恐致驛騷，是以祖宗祔席之赤子，其爲富家，蹈藉之赤子，耶宣公此疏，宜置繡展。

得是。以。事。艱。重。大。恐。致。艱。難。具。以。陳。宗。孫。議。文。衣。不。  
。難。昔。琴。瑟。如。飛。然。對。可。鼓。盡。熱。必。銷。以。姪。天。惠。道。清。  
。道。浸。同。安。必。其。效。恐。致。隳。喪。六。弊。而。莫。爲。逃。歸。不。賦。  
。當。爲。實。民。日。富。皆。田。賦。刊。削。食。皆。曾。無。立。論。之。此。實。  
。計。也。限。裁。賦。租。價。務。利。貧。人。法。貴。必。行。不。在。深。刻。務。  
。不。失。富。縣。可。親。讓。此。以。古。昔。安。富。而。讓。之。善。器。不。可。

右臣前月十一日延英奏對因敘賦稅煩重百姓困  
窮伏奉恩旨令具條疏聞奏今且舉其甚者謹件如  
前臣聞於書曰無輕人事惟難無安厥位惟危此理  
之所以興也又曰厥後嗣王生則逸不知稼穡之艱  
難此亂之所由始也以陛下天縱聖哲事更憂危夙  
夜孜孜志求致理往年論及百姓必爲悽然動容每  
言朕於蒼生肢體亦無所惜臣又叨近侍亟奉德音  
竊謂一代黔黎必躋富壽之域昨奏人間疾苦十分  
纏及二三聖情已甚驚疑皆謂臣言過當然則愁怨

陸宣公集卷之二十四  
之事何由上聞。煦育之恩何由下布。典籍所戒。信而有徵。一虧聖猷。實可深惜。臣又聞於書曰。非知之艱。行之惟艱。竊惟陛下所以驚疑於微臣之言者。但聞之未熟耳。此乃股肱耳目之任。仰負於陛下。誠所謂知之非艱。尚未足深累聖德也。今則既知之矣。願陛下勿復艱於所行。居安思危。億兆幸甚。謹奏。

湯賓尹日前所論列六條。幽隱洞燭。微細必陳。與姬公七月之章。可相表裏。猶謂十分疾苦。總及二三。忠臣惓惓愛君之心。最可想見。

陸宣公奏草卷之二十四

唐吳郡陸

贄著

明

宣城湯賓尹評

武林馬

元訂

論裴延齡姦蠹書一首

十一年三月。其官臣某。惶恐頓首。獻書皇帝陛下。臣聞君子小人用捨不並。國家否泰恒必由之。君子道長。小人道消。於是上下交而萬物通。此所以爲泰也。小人道長。君子道消。於是上下不交而萬物不通。此所以爲否也。夫小人之蔽明害理。如目之有眵。耳之

懷之詞

解憂如春  
笑之放

有克嘉穀之有蟲。梁木之有蠹也。昧離婁之目。則天  
地四方之位不分矣。克于野之耳。則雷霆蠅黽之聲  
莫辨矣。雖后稷之穡。禾易長畝。而蠹傷其木。則零瘁  
而不植矣。雖公輸之巧。臺成九層。而蠹空其中。則圯  
折而不支矣。是以古先聖哲之立言垂訓。必殷勤切  
至。以小人為戒者。豈將有意讐而沮之哉。誠以其蔽  
主之明。害時之理。致禍之源。博傷善之釁深。所以有  
國有家者。不得不去耳。其在周易。則曰。大君有命。開  
國承家。小人勿用。必亂邦也。在尚書。則曰。除惡務本。

此公為文  
根抵六經  
所以雅正

去邪勿疑。在毛詩。則曰。無縱詭隨。以謹無良。曾是摺  
克。歛怨以為德。盜言孔甘。亂是用餽。讒人罔極。交亂  
四國。在論語。則曰。惡利口之覆邦家者。在春秋。則曰。  
聚斂積實。不知紀極。毀信廢忠。崇飾惡言。靖譖庸回。  
服讒蒐慝。天下之人。謂之四凶。在禮記。則曰。小人行  
險以僥倖。長國家而務財用者。必自小人矣。小人使  
為國家而災害並至。雖有善人。無如之何。臣頃因讀  
書。常憤此類。不圖聖代。日覩斯人。戶部侍郎裴延齡  
者。其性邪。其行險。其口利。其志凶。其矯妄不疑。其敗



陸狡猾賊  
巧盡形容

亂無耻以聚歛為長策以詭妄為嘉謀以楛克歛為  
為匪躬以靖譖服讒為盡節總典籍之所惡以為智  
術冒聖哲之所戒以為行能可謂堯代之其工魯邦  
之少卯伏惟陛下協放勛文思之德而鑒其方鳩僞  
功體仲尼天縱之明而辨其順非堅僞則天討斯得  
聖化允孚小往大來孰不欣幸跡其姦蠹日長月滋  
陰祕者固未盡彰敗露者猶難悉數今請粗舉數事  
用明欺罔大端悉非隱微皆可覆驗陛下若意其負  
謗則誠宜亟為辨明陛下若知其無良又安可曲加

竊竊其器  
陸石雜探

昆尺國家  
次病

容掩願擇左右親信兼與舉朝公卿據臣所言閱實  
其事儻延齡罪惡無狀即臣之奏議是誣宜申典刑  
以制虛妄俾四海法朝廷之理兆人戴陛下之明得  
失之間其體甚大不當復有疑慮使辨之不早以竟  
失天下之望也前歲秋首班宏喪亾特詔延齡繼司  
邦賦數月之內遽銜功能奏稱勾獲隱欺計錢二十  
萬貫請貯別庫以為羨財供御所須永無匱乏陛下  
欣然信納因謂委任得人既賴贏餘之資稍弘心意  
之欲興作浸廣宣索漸多延齡務實前言且希睿旨

巧匠斷山  
肯無如此  
之玲瓏宛  
透

互相覺察  
無欺弊

不敢告闕。不敢辭難。勾獲既是虛言。無以應命。供辦  
皆承嚴約。苟在及期。遂乃搜求市鄣。豪奪入獻。追捕  
夫匠迫脅。就功以勅。索爲名而不酬。其直以和雇爲  
稱。而不償其傭。都城之中。列肆爲之晝閉。典役之所  
百工。比於幽囚。聚詛連羣。遮訴盈路。持綱者莫敢致  
詰。巡察者莫敢爲言。時有致詰爲言。翻謂黨邪。醜直  
天子轂下。囂聲沸騰。四方觀瞻。何所取則。蕩心于上。  
歛怨於人。欺天陷君。遠邇危懼。此其罪之大者也。總  
制邦用。度支是司。出納貨財。太府攸職。凡是大府出  
納。皆稟度支文符。太府依符以奉行。度支憑按以勘  
覆。互相關鍵。用絕姦欺。其出納之數。則每旬申聞。其  
見在之數。則每月計奏。皆經度支勾覆。又有御史監  
臨。旬旬相承。月月相繼。明若指掌。端如貫珠。財貨少  
多。無容隱漏。延齡務行邪譎。公肆誣欺。遂奏云。左藏  
庫司多有失落。近因檢閱。使置簿書。乃於糞土之中  
收得銀十三萬兩。其疋段襍貨百萬有餘。皆是文帳  
脫遺。並同已棄之物。今所收獲。卽是羨餘。悉合移入  
雜庫。以供別勅支用者。其時特宣進止。悉依所奏施

四句是震  
爨詩

太史慈引  
弓而射貫  
手著焚其  
命申乃爾

行太府少卿韋少華抗表上陳殊不引伏確稱每月  
中奏皆是見在數中請令推尋足驗姦計兩司既相  
論執理須辨鞠是非臣等具以奏聞請定三司詳覆  
若左藏庫遺漏不謬隱匿固合抵刑如度支舉奏是  
虛誣誑亦宜得罪陛下既不許差三司按問又不令  
檢奏辨明度支言太府隱漏至多而少華所任如舊  
太府論度支姦欺頗甚而延齡見信不渝枉直兩存  
法度都弛以在庫之物為收穫之功以常賦之財為  
羨餘之費罔上無畏示人不慚此又罪之大者也國

妖雲蔽日  
得此可為  
快開

之府庫用寘貨財物合入官則納于其內事合給用  
則出乎其中所納無非法之財所出無不道之用坦  
然明白何曲何私而延齡險猾售姦詭譎求媚遂於  
左藏之內肇建六庫之名意欲別貯贏餘以奉人主  
私欲曾不知王者之體天下為家國不足則取之於  
人人不足乃資之於國在國為官物在人為私財何  
謂贏餘復須別貯是必巧詐以變移官物暴法以刻  
歛私財捨此二途其將焉取陛下務崇信不加檢  
裁延齡既怙寵私益復放肆遂錄積久逋欠妄云察

自銀已化  
予虛黃紙  
猶然催促  
小人慘刻  
何所不至

獲姦賊總計緡錢八百餘萬聽其言則利益雖大考  
其事則虛誕自彰或是水火漂焚或緣旱澇傷敗或  
因兵亂散失或遭寇賊敗數或准法免徵或經恩令  
放或人戶逃逸無處追尋或綱典拘囚不免填納或  
沒入店宅歲久摧殘或收獲舟船年深破壞類皆如  
此難以殫論在人者並無可科徵屬官者悉不任貨  
賣但存名額虛掛簿書大抵錢穀之司皆耻財物減  
少所以相承積累不肯滌除每當計奏之時常充應  
在之數延齡苟稱察獲遂請徵收恢張利門誘動天

聽貽誚侮於方岳賈愁怨於烝黎于茲累年一無所  
得其為踈妄亦曰殆哉陛下姑欲保持曾無詰問延  
齡謂能蔽惑不復懼思姦威既沮於四方儉態復行  
於內府由是蹂躪官屬傾倒貨財移東就西便為課  
績取此適彼遂號羨餘愚弄朝廷有同兒戲諸州輸  
送布帛度支不務準平抑制市人賤通估價計其所  
折即更下徵重困疲疇轉流弊既彰恐害且示不誠  
及其支送邊州用克和糴則於本價之外例增一倍  
有餘布帛不殊貴賤有異剝徵罔下既以折估為名

養由基之  
後穿乎七  
札僉人於  
何處躲閃

愧悲且壯  
讀之心曠  
歡裂

抑配傷人。又以出估爲利事。多矛盾交駭。物情窮邊。檣夫痛憤。切於骨髓。下土編戶。冤叫徹於蒼旻。而延以冒取折估爲公忠。苟得出估爲贖利。所謂失人心而聚財賄。亦何異割支體以徇口腹哉。殊不寤支體分披。口安能食人心。離析財豈能存此。又罪之大者也。平原遠鎮。扼制蕃戎。五原要衝。控帶靈夏。芟夷榛蕪。翦逐豺狼。崎嶇繕完。功力纔畢。地猶復絕勢。頗孤危。新集之兵。志猶未固。尤資贍恤。俾漸安居。頻勅度支。令貯軍食。常使平涼。有一年之蓄。鹽州積半年

之儲。循環轉輸。不得闕數。近者二鎮告急。俱稱絕糧。陛下召延齡。令赴中書。遣希顏宣旨質問。延齡確言饋餉不絕。儲蓄殊多。歲內以來。必無闕乏。希顏懼其推互。邀令草狀自陳。狀亦如言。畧無疑畏。陛下覽其所奏。翻謂軍吏不誠。遂遣中官馳往檢覆。道路無轉運之跡。軍城無旬日之儲。將卒嗷嗷。幾將不守。有如是之顛沛。有如是之欺謾。按驗旣明。恩勞靡替。其爲蠱媚。曠代罕聞。此又罪之大者也。國之憲度。會府是司。位列諸郎。猶應辰象。任居六事實。代天工。內總轄

甘受其欺  
猶且保持  
如故此德  
宗所以愧  
予明著

於庶官。外敷化於列郡。舉措繫生靈之命。得失關理  
亂之源。為人執儀。安可容易。未有大官弛縱而能使  
羣吏服從。朝典凌遲。而欲禁天下暴慢。是以天寶將  
季。楊國忠為吏部尚書。亟於私庭。詮集選士。果令逆  
監。得以為詞。史策書之。足為國耻。而延齡放情亂紀。  
又甚國忠。懈於夙興。多闕會朝之禮。徇其鄙欲。大墮  
省署之儀。徙庶曹於閭里。視公事於私第。盡室飫宮  
厨之饈。填街持簿領之書。復有諸部叅辭。四方申請。  
決遣資其判者。去就俟其指揮。延齡或聚客大誇不

恣肆欲  
可謂無忌  
之尤

令白事。或縱酒憑怒。莫敢入言。至有迫切而來。逾旬  
未省輪納。之後累月不歸。資糧罄於滯淹。筋力困於  
朝集。晨趨夕歎。十百為羣。里中喧闐。常若闐闐衢巷。  
列屠沽之肆。邑居成逆旅之津。恣欲慢官。虐人斃法。  
求之今古。鮮有其倫。此又罪之大者也。總領財賦。號  
為殷繁。自非識究變通。智權輕重大。不失體。細能析  
微。濟之以均平。蒞之以勤肅。近無滯事。遠無壅情。綱  
條之下。無亂繩。鑒照之內。無隱匿。然後人不困而公  
用足。威不厲而姦吏懲。苟或未能。則非稱職。况延齡

以素所僻戾之質。而加之以狂躁滿盈。既憤且驕。事何由理。遂以國家大計。委於胥吏末流。當給者無賄而不支。應徵者受賕而縱免。紀綱大壞。貨賂公行。苟操利權。實竊邦柄。近者度支小吏。屢為府縣所繩。鞠其姦賊。無不狼籍。通結動連。於節將交。私匪止於苞苴。威福潛移。乃至於是。職司失序。固亦可知。此又罪之大者也。風教之大。禮讓為先。禮讓之行。朝廷為首。朝廷者。萬方之所宗仰。羣士之所稽模。觀而效焉。必有甚者。是以朝廷好禮。則俗尚敬恭。朝廷尊讓。則時

耻貪競。朝廷有失容之慢。則凌暴之弊播於人。朝廷有動色之爭。則攻鬪之禍流於下。聖王知其然也。故選建賢德。以為公卿。使人具瞻。不論而化。昔周之方盛。多士盈朝。時靡有爭。用能俾乂。故其詩曰。慎爾出話。敬爾威儀。無不柔嘉。又曰。有來雍雍。至此肅肅。相維辟公。天子穆穆。言羣臣相與事上。敬而能和。言語動作。靡有不善也。周德既衰。小人在位。務相侵侮。以至危亾。故其詩曰。方懋爾惡。相爾矛矣。又曰。既之陰汝。反予來嚇。又曰。諒曰不可。覆背善詈。小人得志。惡

稱情狂言  
不顧結怨  
小人之謀  
亦云疎矣

怒是憑肆其褊心以相詬病也陛下勤脩儀式以靖  
四方慎選庶官以貞百度內選則股肱耳目外選則  
垣翰藩維濟濟師師咸欽至化庶相感率馴致大和  
而度支憑寵作威恃權縱暴侵刻軍鎮置闕資糧將  
帥每使申論延齡率加毀訾或指誣隱盜或謗訐陰  
私或數其出處賤微或臆其心志邪悖詞皆醜媒事  
悉加誣匹夫見凌猶或生患况將帥素加委遇多著  
勲庸縱有踰分取求但宜執理裁處苟當其所孰敢  
不從豈可對彼偏裨恣行侵辱使其慚覲於麾下憤

耻於朝廷惟口起羞諒非細故為國聚釁實由斯人  
而又虐害羣司幸其闕敗茂彼彛典逞於兇懷氣吞  
等夷隸蓄郎吏時有履道而不為曲撓守官而莫肯  
脅從遭其詆訶事則尤劇或辱兼祖父或毀及家門  
皆名教所不忍聞叙述所不堪紀其為構陷抑復多  
端故示兇威使人懾憚人之狂險乃至於斯上虧大  
猷下扇流俗怙然禮義之府蠱污清明之朝此又罪  
之大者也度支舊管牛驢三千餘頭車八百餘乘循  
環載負供饋邊軍既有番通之倫永無科配之擾延



臨宜公全集 卷之二十四  
齡苟遲近效。不務遠圖。廢其葺脩。減其芻秣。車破畜  
耗。畧無孑遺。每須載運軍資。則令府縣差雇。或有卒  
承別旨。須赴促期。遂於街市之間。虜奪公私雜畜。披  
猖頗甚。費損尤多。吏因生姦。人不堪命。所減者。則奏  
以爲利。所費者。則隱而不論。破實徇虛。多如此類。度  
支應給宮內。及諸司使芻藁薪炭等。除稅草之外。餘  
並市供。所用旣多。恒須貯備。舊例每至秋穫之後。冬  
收之時。散開諸場。逐便和市。免費高價。復資貧人。公  
私之間。頗謂兼濟。延齡悉隳舊制。但飾姦情。旋計芻

薪價錢。以爲節減。剝利及乎春夏之祭。藁秸已殫。霖  
潦之中。樵蘇不繼。軍旣輟。莖官厨待。然告闕。頻煩於  
聖聰。徵催絡繹於省署。崎嶇求買。何暇計量。糜損官  
錢。不啻累倍。聯蹇狼狽。率以爲常。此則睿鑒之所明  
知。物情之所深駭。事之舛繆。觸緒皆然。臣愚以謂若  
斯之流。不過歲費國家百萬緡錢。及事體非宜耳。其  
爲罪惡。未足傾危。事之可憂。不在於此。是以不復詳  
舉。以煩聽覽也。至如矯詭之態。誣罔之辭。遇事輒行。  
應口便發。靡日不有。靡時不爲。自非狀跡尤彰。足致

其禍者。又難以備陳也。延齡有詐。偽亂邦之罪七。而重之以耗斲闕遺。愚智共知。士庶同憤。以陛下英明鑒照。物無遁情。固非延齡所能蔽虧。而莫之辨也。或者聖旨以其甚招嫉怨。而謂之孤貞。可託腹心。以其好進讒諛。而謂之盡誠。可寄耳目。以其縱暴無畏。而謂之強直。可肅姦欺。以其大言不疑。而謂之智能。可富財用。將欲排衆議而收其獨行。假殊寵而冀其大成。儻陛下誠有意乎在茲。臣竊以為過矣。夫君天下者。必以天下之心為心。而不私其心。以天下之耳目

辨皮不裹  
延齡庸主  
論利臣

正大  
文

為耳目。而不私其耳目。故能通天下之志。盡天下之情。夫以天下之心為心。則我之好惡。乃天下之好惡也。是以惡者無謬。好者不邪。安在私託腹心。以售其側媚也。以天下之耳目為耳目。則天下之聰明。皆我之聰明也。是以明無不鑒。聰無不聞。安在偏寄耳目。以招其蔽惑也。夫布腹心而用耳目。舜與紂俱用之矣。舜之意。務求已之過。以與天下同欲。而無所偏私。由是天下臣庶。莫不歸心。忠讜既聞。玄德逾邁。故虞書云。臣作朕股肱耳目。又云。明四目。達四聰。言廣大

無意對仗  
而自然整  
東

陸宣公全集卷之二十一  
也。紂之意務求人過。以與天下違欲。而溺於偏私。由是天下臣庶莫不離心。險詖既行。昏德彌熾。故商書云。崇信姦回。大雅云。流言以對。寇攘式內。言邪僻也。與天下同欲者。謂之聖帝。與天下違欲者。謂之獨夫。其所以布腹心而任耳目之意。不殊。然於美惡成敗。若此相遠。豈不以求過之情有異。任人之道不同哉。太宗嘗問侍臣。何者為明君。何者為暗主。魏徵對曰。君之所以明者。兼聽也。其所以暗者。偏信也。又曰。秦之胡亥。偏信趙高。肆其姦欺。卒至顛覆。徵之此說。

講張為幻  
購心昧已  
可恨之極

氣勢沛而  
結構嚴

理致甚明。簡冊備書。足為鑒戒。趙高指鹿為馬。愚弄厥君。歷代流傳。莫不痛憤。陛下每覽前史。詳考興亡。固亦切齒於斯人。傷心於其主。臣謂鹿之與馬。物類猶同。豈若延齡掩有。而為無。指無而為有。陛下若不以時省察。得無使後代嗟誚。又甚趙高者乎。斯愚臣所以焦慮疚懷。以陛下為過者。良有所以也。夫理天下者。以義為本。以利為末。以人為本。以財為末。本盛則其末自舉。末大則其本必傾。自古及今。德義立而利用不豐。人庶安而財貨不給。因以喪邦失位者。未

之有也。故曰：不患寡而患不均，不患貧而患不安。有德必有人，有人必有土，有土必有財，百姓足，君孰與不足？蓋謂此也。自古及今，德義不立而利用克克，人庶不安而財貨可保，因以興邦固位，亦未之有焉。故曰：財散則人聚，財聚則人散。與其有聚斂之臣，寧有盜臣。無令侵削兆庶，以爲天子取怨于下。其有若此者，行罰無赦。蓋爲此也。殷紂以貪冒失人而亡，周武以散發得人而昌，則紂之多藏適所以爲害已者之資耳。尚何賴於財賄哉？太宗亦云：務蓄積而不恤人

說得外消  
烟滅利興  
索然

甚非國家之計。隋氏不道，聚斂無厭，所實洛口諸倉，卒爲李密所利。此則前代已行之明效。聖祖垂裕之格言，是而不懲，何以爲理？陛下初膺寶曆，志翦群兇，師旅繁興，徵求寢廣，權算侵剝，下無聊生。是以涇原叛徒乘人怨咨，白晝犯闕，都邑昨庶，恬然不驚。反與賊衆相從，比肩而入宮殿。雖蚩蚩之性，靡所不爲。然亦由德澤未浹於人，而暴令驅迫，以至於是也。于是內府之積，尚如丘山，竟資兇渠，以餌貪卒。此時陛下躬觀之矣，是乃失人而聚貨，夫何利之有焉？車駕旣

前已誤至  
此豈堪再  
談

幸奉天。逆泚旋肆圍逼。一壘之內。萬衆所屯。窘如涸。流庶物空匱。嘗欲發一健步。出視賊軍。其人懇以苦寒爲辭。跪奏乞一襦袴。陛下爲之求覓不致。竟憫默而遣之。又嘗宮壺之中。服用有闕。聖旨方以戎事之急。不忍重煩於人。乃剝親王飾帶之金。賣以給直。是時行從將吏。赴難師徒。倉黃奔馳。咸未冬服。漸屬凝冱。且無薪爇。飢凍內攻。矢石外迫。晝則荷戈奮迅。夜則吹堞呻吟。凌風飈冒。霜霰踰旬。而衆無携貳。卒能走强賊。全危城者。陛下豈有嚴刑重賞。使之然耶。唯

我爲有一  
無愛民之  
心社稷沈  
能光復

追往譽正  
欲動其後  
改

以不厚其身。不藏其資。與衆庶同其憂患。與士伍共其有無。乃能使捐軀命而扞寇讐。餒之不離。凍之不憾。臨危而不易其守。見死而不去其君。所謂聖人感人心而天下和平。此其效也。及乎重圍旣解。諸道稍通。賦稅漸臻。貢獻繼至。乃於行宮外廡之下。復列瓊林大盈之司。未賞功勞。遽私賄玩。甚沮惟新之望。頗攜死義之心。於是輿誦興譏。而軍士始怨矣。財聚人散。不其然歟。旋屬蝨賊內攻。翠華南狩。奉天所積財貨。悉復殲於亂軍。旣遷岷梁。日不暇給。獨憑大順。遂

至敬則洗  
牙接無不  
中撫帶拍  
張甚為儼

復皇都是知天子者以得人為資以蓄義為富人苟  
歸附何患茂資義苟修崇何憂不富豈在貯之內府  
方為已有哉故藏於天下者天子之富也藏於境內  
者諸侯之富也藏於困倉匿匱者農夫商賈之富也  
奈何以天子之貴海內之富而猥行諸侯之弃德蹙  
守農商之鄙業哉陛下若謂厚取可以恢武功則建  
中之取既無成矣若謂多積可以為已有則建中之  
積又不在矣若謂徇欲不足傷理化則建中之失傷  
已甚矣若謂歛怨不足致危亡則建中之亂危亦至

矣

鈞鈞已牽  
其口豈可  
從前貪餌

矣然而遽能靖滔天之禍成中興之功者良以陛下  
有側身修勵之志有罪已悔懼之詞罷息誅求敦尚  
節儉渙發大號與人更新故靈祇嘉陛下之誠臣庶  
感陛下之意釋憾迴慮化危為安陛下亦當為宗廟  
社稷建不傾不拔之永圖為子孫黎元垂可久可大  
之休業懲前事徇欲之失復日新盛德之言豈宜更  
縱儉邪復行刻暴事之追悔其可再乎臣又竊慮陛  
下納彼盜言墮其姦計以為搏噬擊攫怨集有司積  
聚豐盈利歸君上是又大繆所宜慎思夫人主昏明

諫言塞言  
不慮嬰繼

繫於所任咎繇夔契之道長而虞舜享濬哲之名皇  
甫聚樞之變行而周厲嬰顛覆之禍自古何嘗有小  
人柄用而災禍不及邦國者乎譬有操兵以刃人天  
下不委罪於兵而委罪於所操之主蓄蠱以殃物天  
下不歸咎於蠱而歸咎於所蓄之家理有必然不可  
不察臣竊慮陛下以延齡之進獨出聖衷延齡之言  
多順宸旨今若以罪寘辟則似爲衆所擠故欲保持  
用彰堅斷若然者陛下與人終始之意則善矣其於  
改過不吝去邪勿疑之道或未盡善焉夫人之難知

愈駁愈有  
迺信平原  
多奇玉林  
多寶

著自淳古試可乃已載於典謨陛下意其賢而任之  
知其惡而棄之此理之常于何不可儻陛下猶未知  
惡但疑見擠固有象恭挾詐之人亦有黨邪害直之  
士所資考覈兩絕欺誣陛下以延齡爲能愚臣以延  
齡爲罪能必有跡罪必有端陛下胡不指明其所效  
之能以表忠賢按驗其所論之罪以考慮實與衆同  
辨示人不私若能跡可稱而罪端無據則是黨邪害  
直之驗也陛下當繩其傷善以勵事君罪端有徵而  
能跡無實則是象恭挾詐之驗也陛下當糾其包禍

千里來龍  
至此結穴

煙波萬狀  
無我指揮

以戒亂邦。如此則上之於下。釋嫌構之疑。下之於上。絕偏惑之議。何必忠邪無辨。枉直莫分。薰蕕同藏。其臭終勝。此則小人道長之象也。實時運否。泰安危之所繫。豈但有虧聖德。不利善人而已乎。陛下若以必與已同者為忠良。自我作者無改變。如此則上之所欲。莫不諂。上之所失。莫不從。水火相濟。不為非。金礪相須。不為是。恥過作非。不足戒。捨已從人。不足稱。惟意是行。則匡輔或幾乎息矣。匡輔息。則理不可致。仲尼所謂一言喪邦者。在於予之言。而莫予違也。事關

興亡。固不可忽。希旨順默。侵已成風。獎之使言。猶懼不既。若又阻抑。誰當貢誠。伏恐未亮斯言。請以一事為證。只如延齡。克妄流布。寰區上自公卿。近臣下逮輿臺賤品。諠譁談議。億萬為徒。能以上言。其人有幾。陛下誠令親信。博採輿詞。叅校比來所聞。足鑒人間情偽。臣以卑鄙。任當台衡。既極崇高。又承渥澤。豈不知觀時附會。足保舊恩。隨眾沉浮。免貽厚責。謝病黜退。獲知幾之名。黨姦苟容。無見嫉之患。何急自苦。獨當豺狼。上違懽情。下餌讒口。良由內顧庸昧。一無所

天寶父老  
說農桑字  
厚真切



堪。夙蒙眷知。唯在誠直。綢繆帳辰。一紀于茲。聖慈旣以此見容。愚臣亦以此自負。從陛下歷播遷之艱危。覩陛下致興復之艱難。至今追思。猶爲心悸。所以畏覆車而駭懼。慮毀室而悲鳴。蓋情激于衷。雖欲罷而不能自默也。因事陳執。雖已煩繁。天聽尚高。未垂諒察。輒申悃欵。以極愚誠。憂深故語煩。懇迫故詞切。以微臣自固之謀。則過爲陛下慮。患之計。則忠糜軀奉君。非所敢避。沽名銜直。亦不忍爲。願廻睿聰。爲國熟慮。社稷是賴。豈唯微臣不勝荷恩報德之誠。謹昧死奉書以聞。臣誠惶誠恐。頓首再拜。

湯賓尹曰。宣公疏雖極懇到。而和平爾雅。無叫號怒詈之意。此篇字字斧鉞。句句秋霜。在宣公集中。又是一體。千載之下。讀之珠璣錯落。繡縠紛披。不覺其言之繁。而惟恐其言之盡。極不得已之時。爲極得已文字。有書契以來。不可多見。又觸德宗忌諱。恩眷不終。忠州之行。於斯決矣。

